

INTEGRATION OF PRAGMALINGUISTICS, FUNCTIONAL TRANSLATION STUDIES AND LANGUAGE TEACHING PROCESSES

INGLIZ VA O`ZBEK TILLARIDAGI MEHNATNI ULUG`LOVCHI MAQOLLARNING SEMANTIK TAHLILI

Tursunov Mirzo Maxmudovich

Ingliz tilshunosligi kafedrasi dotsenti,
filologiya fanlari bo`yicha falsafa doktori (PhD)

Umarova Zebiniso Nizom qizi

BuxDU lingvistika: ingliz tili
mutaxassisligi magistranti

Annotatsiya. Ushbu maqolada ingliz va o`zbek tillaridagi mehnat va mehnatsevarlik to`g`risidagi maqollarning semantik doirasi, ikki tildagi maqollarning bir xil ma`no-mazmunga ega muqobil variantini topishning muhimligi hamda mehnatni ulug`lovchi maqollarning jamiyatda tutgan o`rnini to`g`risida so`z boradi.

Annotation. This article deals with the semantic scope of proverbs about labour and diligence in English and Uzbek languages, the importance of finding an alternative version of proverbs with the same meaning in two languages, and the role of proverbs praising work in society.

Аннотация. В данной статье рассматривается смысловой объем пословиц о труде и усердии в английском и узбекском языках, важность поиска альтернативного варианта пословиц с одинаковым значением в двух языках, а также роль пословиц, восхваляющих труд, в обществе.

Kalit so`zlar: maqol, mehnat, mehnatsevarlik, dangasalik, pand-nasihat, semantik doira, semantik tahlil, ma`no, ekvivalentlik.

Key words: proverb, work, diligence, laziness, advice, semantic circle, semantic analysis, meaning, equivalence.

Ключевые слова: пословица, труд, трудолюбие, лень, совет, смысловой круг, семантический анализ, значение, эквивалентность.

Maqollar xalq og`zaki ijodi namunasi bo`lib, qaysi tilda yaratilmasin, ularning mavzu doirasi xilma-xildir. Biroq ayrim mavzudagi maqollar bir tilda ikkinchi tilga nisbatan ko`proq uchrashi mumkin. Buning sababi ko`p sonli maqollarni qamrab oluvchi mavzular xalq hayotining asosiy bo`g`inini tashkil qilishidadir, ya`ni, bunda aynan yaratuvchi xalqning o`ziga xos mentaliteti, tarixi, udum va an`analari kabilarning asosiy yetakchi rolda turadi. Mashhur tilshunos Vladimir Ivanovich Dal aytganidek, “maqollar to`plami – bu xalq tilidan, tajribadan olingan hikmatlar majmuasi, sog`lom aql sarasi, xalqning hayotda orttirgan haqiqati”¹.

Oila, mehr-oqibat, mehnatsevarlik, vatanni sevish, do`stlik va qarindosh- urug`chilik munosabatlariga jiddiy qarash, insonlarni yaxshilikka da`vat etish o`zbek maqollarida yetakchi mavzular bo`lsa, uy hayvonlariga bo`lgan mehrning kuchliligi, inson qadrining ulug`ligi ingliz xalq maqollarida ko`proq gavdalananadi.

¹ Порудоминский В.И. Жизнь и слово: Даль. Повествование.– М.: Мол. Гвардия, 1985.- 121 с.

INTEGRATION OF PRAGMALINGUISTICS, FUNCTIONAL TRANSLATION STUDIES AND LANGUAGE TEACHING PROCESSES

Maqollar qaysi tilda yaratilishidan qat`iy nazar, ularning semantik tahlil qilinishi maqollardagi muhim qirralarni ochib berishga ko`maklashadi. Maqollarda semantik ma`no doirasi juda keng bo`lib, ular o`zida ulkan voqelikni ifodalaydi.

Ingliz va o`zbek tillarida yaratilgan maqollar orasida mehnat va mehnatsevarlik to`g`risidagi maqollar mavzusiga to`xtalib o`tsak. Mehnat qilgan insonning elda aziz bo`lishi va xor bo`lmasligi hamda mehnatsevarlik orqali obro` orttirishi kabilar qadim o`tmish va hozirda ham o`z tasdig`ini topmoqda. Yaqin kelajakda ham aynan shu xislatlarga ega shaxslar jamiyatda e`zozlanishi barchamizga sir emas. Ikki tilda ham mehnatsevar inson ulug`lanib, dangasa kishilar qoralanadi. “Actions speak louder than words”, ya`ni “Gap bilguncha, ish bil” maqolida ham mehnat qilishga undash nazarda tutilmoqda. Yoki boshqa bir o`zbek tilida ekvivalenti mavjud maqollardan biri “Never put off till tomorrow what may be done today”, ya`ni “Bugungi ishni ertaga qo`yma” maqolida ham vaqtini tejash va tezroq ishni bajarish ko`zda tutilgan.

Yuqoridagi misollardan shu ma`lum bo`ladiki, mehnatsevar inson hammaga birdek manzur bo`ladi. Bu esa har ikkala xalqning aynan shunday xislatlarga ega ekanligini ko`rsatadi hamda ingliz va o`zbek millatlari o`z nutqida bevosita ushbu yo`sindagi maqollardan keng foydalanadi. Shu o'rinda ularning semantik doirasi, ya`ni ma`no ko`lamiga e`tibor qaratsak. Ingliz tilidagi “Chief cook and bottle washer” maqolini semantik tahlil qiladigan bo`lsak, bunda to`g`ridan-to`g`ri tarjima qilganda, bir insonning ham oshpaz, ham idish yuvuvchiligi anglanadi, biroq mazmuniga qaralganda, bir insonning bir vaqtning o`zida bir nechta muhim bo`lgan yoki bo`lmagan ishlar bilan shug`ullanishi tushuniladi. Maqol insonlarni mehnat qilishga undash va mehnatdan qochmaslik kabi tarbiyaviy ahamiyatga ega xislatlarga chorlamoqda. O`zbek tilida esa ushbu maqolning aynan so`zma-so`z tarjima qilinganda o`xshash ekvivalentligi mavjud bo`lmasa-da, biroq “Bir yigitga yetmish hunar oz” maqoli bilan ma`no jihatidan yaqin turadi. Ikki tilda ham maqol o`z jozibasini yo`qotmagan va xalq tomonidan nutqda keng qo`llaniladi.

Asarlarda ham buning yaqqol isbotini ko`rish mumkin. Jumladan, quyidagi misolda: ”Hunar bo`lmasa, bunaqa soqol-u bunaqa izzat-ikrom qayoqda. Ha, ota- bobolarimiz: “Bir yigitga yetmish ikki hunar oz”, deb bekor aytishmagan ekan.² Ushbu parchada keltirib o`tilgan “Bir yigitga yetmish ikki hunar oz” maqoli orqali yozuvchi o`zbek yigitlarining nechog`lik mehnatsevar va hunarli ekanliklarini qisqa va lo`nda qilib o`quvchiga yetkazmoqda. Ushbu maqolga yaqin ma`nodagi janr namunasi ingliz tilida ham mavjudligini inobatga olsak, ingliz xalqida ham mehnatsevarlik ulug`lanishi va xalq orasida mehnatkash insonlar borligini anglaymiz.

Yuqorida aytganimizdek, maqollar qaysi tilda yaratilgan bo`lmasin, insonlarni doimo to`g`ri yo`lga boshlaydi va oldindan bo`lishi muqarrar yomon hodisalarning oldini oladi.³ “He that will not work shall not eat” ingliz xalq maqolida mehnat qilgan insongina o`z ishiga yarasha mukofotini oladi, dangasa inson esa och qolishi muqarrar, ma`nosи ifodalanmoqda. Bunda yaxshi hayot kechirmoqchi insonlar mehnat qilishi, mehnatdan qochib, birovga yuk bo`lib yurganlar esa oxir-oqibat el ichida izza bo`lishi ta`kidlanmoqda.

O`zbek tilida esa mazkur maqolning muqobil varianti sifatida “Ishlagan - tishlaydi” tarzida keltirsak bo`ladi. Maqolning har ikkala tildagi umumiyl ma`nosи shuki, mehnat qilgan inson hech qachon hech kimga zor bo`lmaydi, o`z kunini o`zi ko`ra oladi. Darhaqiqat, o`zbek va ingliz xalq maqollari tarkibida mehnat va mehnatsevarlik haqidagi maqollarning mavjudligi bu – shu xalqlarning

² Yoqubov O. Er boshiga ish tushsa. Saylanma. T.1987. – 231 b.

³ Imomov K., Mirzayev T., Sarimsoqov B., Safarov O. O`zbek xalq og`zaki poetik ijodi. -T.: O`qituvchi, 1990.

INTEGRATION OF PRAGMALINGUISTICS, FUNCTIONAL TRANSLATION STUDIES AND LANGUAGE TEACHING PROCESSES

turmush madaniyatida aynan mehnatsevarlikning ulug`lanib, dangasalik yomon illat tarzida ko`rsatilmoqda.

Ingliz tilidagi boshqa bir maqolni tahlil qiladigan bo`lsak: “Labour has a bitter root, but a sweet taste” – maqolida mehnat qilish o`zi og`ir va mashaqqatli jarayon bo`lsa-da, ammo ta`mi totli ekanligi ayttilmoqda. O`zbek tilida shu ma`noda aytilgan “Mehnat, mehnatning tagi rohat” yoki “Mehnat qilib topganing – qand-u asal totganing” tarzidagi maqollarni misol qilib keltirsak, aynan shu ma`nonni beradi, nazarimizda. Ikkala tilda yaratilgan semantik doirasi mehnat qilish oson emasligini, biroq uning poyoni insonga rohat-farog`at olib kelishi g`oyalarini ilgari surmoqda. Har ikki xalq maqollarida ham xulosa ijobiy, ya`ni shirin va totli hayot. Hukm esa, biz bilgan ish, harakat va doimo olg`a intilishdir. Bundan ma`lum bo`ladiki, maqollar qaysi tilda yaratilmasin, ular jamiyatdagi insonlarning hayot jarayoni va bajaradigan ishlariga taalluqli hisoblanadi.⁴

Xulosa o`rnida shuni aytishimiz mumkinki, maqollar ko`p asrlik hayotiy tajribalar, doimiy kundalik kuzatishlar xulosasini tugal fikr tarzida qat`iy ifodalab, o`zida ma`no xilma-xilligi, iboralar turg'unligi, shakliy barqarorlikni saqlaydi. Yillar, asrlar osha o`z ma`nosini yo`qotmaydi. Qo`llanilish o`rniga qarab ularning semantik doirasi doimiy ravishda kengayib boradi. Aynan biz ko`rib, o`rganib, tahlil qilgan ikki tildagi maqollar so`zimiz isbotidir. Ya`ni bir tilda yaratilgan maqolning ikkinchi tilda mavjud muqobilini topishda, uni boshqa tilga tarjima qilishda ma`no munosabati juda muhim sanaladi. Buning uchun esa, avvalo, maqolning asl ma`nosini chuqur anglash, uni o`rganish talab etiladi. Birgina ma`noning o`zgarishi orqali boshqa mazmun hosil bo`lib, o`quvchiga umuman o`zgacha xulosa hosil bo`lishi mumkin. Xalq og`zaki ijodining eng nodir merosi bo`lmish maqollarning ma`no-mohiyati, undagi bildirilgan xulosa va hukm kishilar tomonidan chuqur anglab yetilsagina, maqollar to`g`ri yo`l ko`rsata oladi. Insonlarni yaxshilikka chorlash, do`stlik, mehr-muhabbat, oilaga sadoqat, ota-onaga hurmat, vatanni sevish, mehnatsevarlik kabi sanog`i yo`q mavzulardagi maqollar qaysi tilda yaratilganligidan qat`iy nazar, ular insonlarga pand-nasihat va ko`mak beradi.

Foydalanimanligi adabiyotlar ro`yxati:

1. Порудоминский В.И. Жизнь и слово: Даль. Повествование. – М.: Мол. Гвардия, 1985
2. Yoqubov O. Er boshiga ish tushsa. Saylanma. T.1987.
3. Lakoff&Torner, More than cool reason: a field guide to poetic metaphor. 1989
4. Makhmudovich, T. M. dotsent, PhD, Bukhara State University, Uzbekistan. *SCIENTIFIC REPORTS OF BUKHARA STATE UNIVERSITY*, 105.
5. Imomov K., Mirzayev T., Sarimsoqov B., Safarov O. O`zbek xalq og`zaki poetik ijodi. -T.: O`qituvchi, 1990
6. Mirzayev T., Musoqulov A., Sarimsoqov B. O`zbek xalq maqollari . T.:Sharq, 2005.
7. O`zbek xalq maqollari, 2-tom T.: Fan. 1987.
8. <https://uz.wikipedia.org/wiki/Semantika>
9. Расулов, З. И. (2010). Принцип матерiale английского языка 94
10. Izomovich, R. Z., & Shavkatovich, S. X. UDC: 82 REDUCTION AS THE WAY OF THE LANGUAGE ECONOMY MANIFESTATION. SCIENTIFIC REPORTS OF BUKHARA STATE

⁴ Lakoff&Torner. More than cool reason: a field guide to poetic metaphor. 1989

INTEGRATION OF PRAGMALINGUISTICS, FUNCTIONAL TRANSLATION STUDIES AND LANGUAGE TEACHING PROCESSES

- UNIVERSITY, 68(15), 41-44.
https://buxdu.uz/media/jurnallar/ilmiy_axborot/ilmiy_axborot_6_son_2020.pdf#page=70.
11. Rasulov, Z. I., & Saidov, K. S. (2022). Linguistic Economy as an Inseparable Law of Language Evolution. Integration of Pragmalinguistics, Functional Translation Studies and Language Teaching Processes, 8–12.
https://uniwork.buxdu.uz/resurs/14162_1_B0C234AB2BF7FF280FE2B272EAEA790F05DDC162.pdf
12. Makhmudovich, T. M. ., & O’rinbekovna, U. M. . (2022). COMPARATIVE ANALYSIS OF SOMATIC PHRASEOLOGY IN ENGLISH AND UZBEK LANGUAGES. IJTIMOIY FANLARDA INNOVASIYA ONLAYN ILMIY JURNALI, 46–49.
<http://sciencebox.uz/index.php/jis/article/view/1154>
13. Tursunov Mirzo Makhmudovich, & Akhmedova Gulmira Okhunjonovna. (2022). Analysis of Conceptual Metaphors Used in British Politicians’ Speeches. Eurasian Research Bulletin, 7, 43–48.
<https://geniusjournals.org/index.php/erb/article/view/1015>
14. Saidova, M. U. The problem of studying literary terms on figurative language.https://scholar.google.com/scholar?hl=ru&as_sdt=0,5&cluster=9219256601546054307
15. Saidova, M. U. (2020). LEXICOGRAPHIC AND ETHYMOLOGICAL ANALYSIS OF THE CONCISE OXFORD DICTIONARY OF LITERARY TERMS BY.<https://namdu.researchcommons.org/cgi/viewcontent.cgi?article=2723&context=journal>